

SARS E FEDIŠA TIRIŠO YA MAPOKISI A THOMELO LE DIFOROMO TŠE DINGWE TŠA GO GATIŠWA

PRETORIA, 29 June 2018 – Ditirelo tša Motšhelo tša Afrika Borwa (SARS) di tlo fediša tirišo ya mapokisana a go amogela bakeng sa thomelo ya dipušetšo tša motšhelo wa letseno le ditokumente tše dingwe tša dipampiri, ka tlhohleletšo ya gore balefela motšhelo ba diriše eFiling bakeng sa ditransekšene ka moka mo go kgonegago.

Go tloga ka la 01 Julae 2018, SARS e ka se sa fana ka diforomo tša go gatišwa makaleng, go akaretša diforomo tše di dirišwago go ngwadiša bjale ka molefela motšhelo (IT77C bakeng sa dikhamphani le IT77TR ditrasete), bjale ka morekiši wa VAT (VAT101), bjale ka mongmošomo (EMP101), le diforomo tše di dirišwago go dira kgopelo ya ditaetšo tša motšhelo (IRP3(a), (b), (c) le (d)).

Ditransekšene tše, gammogo le go faela dipušetšo tša motšhelo wa letseno, ditefelo le go louta ditokumente tša thekgo, di ka dirwa ka mokgwa wa elektroniki go eFiling ka thekgo ya *Help-You-eFile* gomme o ikgokaganye le senthara ya kgokaganyo ge eba balefela motšhelo ba a gakanega.

SARS e okeditše saese ya morumo wa difaele go tloga go 2 megabytes go ya go 5 megabytes go sa na le sebaka bakeng sa setlha sa motšhelo.

Koketšo go ditransekšene tša titšithale e laetša gore go tla ba le poloko e kgolo ya dipampiri, ditheko tša go gatiša le thomelo ya khoria bakeng sa bobedi SARS le molefela motšhelo. Se se tla fokoša therafiki go makala – ke enngwe ya dinepo tša SARS bakeng sa Setlha sa Motšhelo sa 2018.

Tlhakego ya titšithale le go se sa diriša dipampiri e tllhamilwe mengwaga e lesome ya go feta ge mokgwatšhomo wa go thewa ka inthanete wa eFiling o hwetšagala bakeng sa dithomelo tša elektroniki tša dipušetšo tša motšhelo wa letseno. Mapokisana a go amogela a be a, le ge go le bjale, beilwe bjale ka tlaleletšo ka makaleng le dikanale tša elektroniki bakeng sa balefela motšhelo bao ba kgethilego go romela dipušetšo tša bona le ditokumente ka letsogo.

SARS e tla kgonthiša gore balefela motšhelo bao ba fetogelago go eFiling ba hwetša thekgo.

Balefela motšhelo ba sa tlo kgona go etela makala a SARS ge eba ba sa nyaka thušo ka ga go faela. Le ge go le bjale, ba tlhohleletšwa go thoma go šuthela go thomelo ya elektroniki.

Ditokumente tša dipampiri tša setlogo di tlo romelwa morago go molefela motšhelo bakeng sa polokego.

SARS e tlhohleletša balefela motšhelo go diriša eFiling (www.sarsefiling.co.za), yeo e lego mokgwa o bonolo bakeng sa ditransekšene tše kgolo le SARS, gomme hwetšagala mo diiring tše 24. Go na le diatrese tša emeile tše di hwetšagalago go websaete ya SARS bakeng sa balefela motšhelo gore ba kgone go ikgokaganya le SARS, gape le SARS Contact Centre (0800 00 7277).